

RESOLUCIÓN DA XEFA TERRITORIAL DA CONSELLERÍA DO MAR NA CORUÑA POLA QUE SE PUBLICA A LISTAXE DE PERSOAS ASPIRANTES SELECCIONADAS NO PROCESO SELECTIVO PARA O ACCESO AO PERMISO DE EXPLOTACIÓN DE MARISQUEO A PÉ PARA O EXERCICIO DA ACTIVIDADE EXTRACTIVA NO ÁMBITO DA ASOCIACIÓN DE MARISCADORAS "FONTE DE SANTA HELENA DE BALDAIO", E SE ABRE O PRAZO PARA A PRESENTACIÓN DE DOCUMENTACIÓN.

ANTECEDENTES

1. Os plans de explotación de moluscos bivalvos a pé da Asociación de Mariscadoras "Fonte de Santa Helena de Baldaio" en autorización (PE403A 2020/21-1) e libre marisqueo (PE403A 2020/22-1), aprobáronse para o trienio 2021-2023 mediante a Orde do 21 de decembro de 2020 pola que se aproba o Plan xeral de explotación marisqueira (DOG Núm. 262, de 31 de decembro de 2020).
2. De conformidade cos expedientes de aprobación dos plans de explotación de moluscos bivalvos a pé da Asociación de Mariscadoras "Fonte de Santa Helena de Baldaio" en autorización e libre marisqueo para o trienio 2021-2023, adóptase que o número máximo de participantes a pé no plan para o ano 2023 en nove (9) permisos. Tendo en conta isto, o número de prazas vacantes por cubrir é de unha (1) praza.
3. O 07.02.2023 esta xefatura territorial remitiu proposta á Asociación de Mariscadoras "Fonte de Santa Helena de Baldaio" para proceder á cobertura de unha (1) praza vacante comentada de conformidade co aprobado nos plans de explotación. Na dita comunicación outorgábaselles un prazo de tres (3) días hábiles para que presentasen as observacións que considerasen oportunas e que de non recibir resposta no prazo sinalado entenderíase como positiva a proposta realizada.
4. Por resolución do 24.02.2023 desta xefatura territorial convocouse proceso selectivo para o acceso ao permiso de explotación na modalidade de marisqueo xeral a pé para o exercicio da actividade extractiva no ámbito da Asociación de Mariscadoras "Fonte de Santa Helena de Baldaio". Neste proceso convocaron unha (1) praza sinalada anteriormente.



5. Por resolución do 24.03.2023 da xefa territorial da Consellería do Mar da Coruña, publicouse a listaxe provisional das puntuacións obtidas polas persoas aspirantes admitidas ao proceso selectivo e as persoas excluídas do proceso. Esta resolución estableceu un prazo de quince (15) días hábiles, a contar a partir do seguinte ao da súa publicación, para efectuar alegacións ás puntuacións outorgadas. Transcorrido o prazo anterior ningunha das persoas aspirantes presentou alegacións ás puntuacións provisionais outorgadas.

6. O 21.04.2023 chega á xefatura territorial un escrito de renuncia dunha das persoas que está na listaxe provisional publicada, que pasa a declararse desistido deste proceso na presente resolución.

CONSIDERACIÓNS LEGAIS E TÉCNICAS

1. Esta xefatura territorial é o órgano competente para o outorgamento dos permisos de explotación de conformidade co establecido no Decreto 425/1993, do 17 de decembro, polo que se refunde a normativa vixente sobre o permiso de explotación para exercer a actividade pesqueira e marisqueira, modificado polo Decreto 114/2007, de 31 de maio, e polo Decreto 48/2013, do 7 de marzo.

2. A Orde do 15 de xullo de 2011, pola que se regula o permiso de explotación para o marisqueo a pé, regula no artigo 6 e seguintes o procedemento para a obtención do permiso de explotación.

3. As solicitudes presentadas valoráronse de acordo co establecido na Resolución do 12 de novembro de 2013 da Dirección Xeral de Desenvolvemento Pesqueiro, pola que se aproba o baremo para obter o permiso de explotación para o marisqueo a pé.

De acordo co anteriormente indicado e de conformidade co establecido na base 3.1 do anexo A da resolución de 02.02.2023 pola que se convoca proceso selectivo para o acceso ao permiso de explotación na modalidade a pé para o exercicio da actividade extractiva no ámbito da Asociación de Mariscadoras "Fonte de Santa Helena de Baldaio", así como na disposición transitoria primeira do Decreto 245/2009, do 30 de abril (DOG nº 84, do 1 de maio de 2009), polo que se regulan as delegacións territoriais da Xunta de Galicia, e no Decreto 177/2016 (DOG nº 239, do 16 de decembro de 2016), polo que se fixa a estrutura orgánica da Vicepresidencia e das consellerías da Xunta de Galicia, esta xefatura territorial no exercicio das súas competencias,

RESOLVE:

1º. Declarar desistida da súa solicitude, en relación á resolución do 24.03.2023 desta xefatura territorial pola que se publica a listaxe provisional de persoas aspirantes admitidas ao proceso selectivo para o acceso ao permiso de explotación na modalidade de marisqueo a pé para o exercicio da actividade extractiva no ámbito da Asociación de Mariscadoras "Fonte de Santa Helena de Baldaio", á persoa que se indica a continuación:

Xefatura Territorial da Coruña
Rúa Ramón y Cajal, 2 5º andar (Casa do Mar)
15006 A Coruña
Tel.: 981 182 000
xfaturaterritorial.mar.coruna@xunta.gal



1º APELIDO	2º APELIDO	NOME	D.N.I.
POSE	MARTINEZ	MARÍA LILIANA	*** 2556 **

2º. Facer pública a listaxe definitiva das persoas que superaron o proceso selectivo para o acceso ao permiso de explotación na modalidade de marisqueo a pé para o exercicio da actividade extractiva no ámbito da Asociación de Mariscadoras "Fonte de Santa Helena de Baldaio".

3º. As persoas aspirantes admitidas que non superaron o proceso selectivo constituirán unha lista de reserva que terá unha vixencia dun (1) ano a contar dende o día seguinte ao da data da presente resolución.

4º. As persoas seleccionadas disporán dun prazo de quince (15) días hábiles, contados a partir do seguinte ao da publicación da presente resolución, para achegar a documentación que figura na base 3.2 do anexo A da convocatoria:

a) Certificado de estar empadroadada nun municipio do litoral de Galicia. Esta documentación non será necesaria que se presente no caso de consentimento expreso da persoa para comprobar os datos de residencia mediante consulta ao sistema de verificación de datos de acordo co Decreto 255/2008, do 23 de outubro, e a Orde do 7 de xullo de 2009.

b) Certificado da Seguridade Social de non ser perceptora de pensións de xubilación, grande invalidez, incapacidade permanente absoluta, incapacidade permanente total, en favor de familiares ou perceptor da renda de integración social de Galicia. As persoas perceptoras da renda de integración social deberán renunciar a ela. Non será necesario en caso de autorización á Consellería do Mar para a consulta destes datos.

c) Documentación acreditativa de non estar incapacitada para exercer os labores de marisqueo.

d) Dúas fotografías de tamaño carné actuais e iguais, co seu nome escrito por detrás.

As persoas que dentro do prazo fixado non presentasen a documentación ou do exame dela se deducise que carecen dalgún dos requisitos sinalados, entenderase que desisten da súa solicitude.

Neste suposto, emitirase unha nova resolución modificando esta, consonte aos prazos e forma recollidos nos parágrafos anteriores, declarando vacantes o número de prazos que corresponda polo desistimento das persoas que non presentaron a documentación ou carecen dos requisitos.

5º. Para obter o permiso de explotación de marisqueo a pé, as persoas seleccionadas deberán estar en posesión do certificado de mariscador e non ter sancións firmes en vía administrativa en materia de protección de recursos mariños pendentes de pagamento.



6º. A presente resolución publicarase no taboleiro de anuncios da xefatura territorial da Coruña e na páxina web <http://www.mar.xunta.gal>. A resolución tamén se exporá, con carácter informativo, nos taboleiros de anuncios da Asociación de Mariscadoras "Fonte de Santa Helena de Baldaio".

Contra esta resolución, que non pon fin á vía administrativa, poderá interpoñerse recurso de alzada ante a Conselleira do Mar no prazo dun (1) mes contado a partir do día seguinte ao da publicación desta resolución, de acordo co establecido nos artigos 30, 121 e 122 da Lei 39/2015 de 1 de outubro, do Procedemento Administrativo Común das Administracións Públicas.

A xefa territorial
María José Cancelo Baquero
(sinatura dixital)

Xefatura Territorial da Coruña
Rúa Ramón y Cajal, 2 5º andar (Casa do Mar)
15006 A Coruña
Tel.: 981 182 000
xefaturaterritorial.mar.coruna@xunta.gal



I.- BALDAIO RELACION DE PERSOAS ADMITIDAS SELECCIONADAS E NON SELECCIONADAS NO PROCEDEMENTO PARA OBTEN O PERMISO DE EXPLOTACION DE MARISQUEO A PÉ

LISTAXE DEFINITIVA

Nota: ocúltase parcialmente o número de D.N.I. en aplicación das garantías de protección da súa divulgación, seguindo o establecido pola Lei orgánica 3/2018, do 5 de decembro, de Protección de Datos Persoais e Garantía dos Dereitos Dixitais en relación á identificación dos interesados nas notificacións por medio de anuncios e publicacións de actos administrativos, así como a orientación para a súa aplicación da Axencia Española de Protección de Datos.

1º APELIDO	2º APELIDO	NOME	D.N.I.	PUNTOS	PARO	FORM. 2.a	FORM. 2.b	PADRÓN
MENDEZ	INSUA	MARTIN	*** 3880 **	6,00	3,00	2,80	0,30	0,00
LISTA DE RESERVA								
PEREIRA	BRAÑAS	JORGE	*** 2547 **	4,50	0,00	0,00	0,50	4,00
RODRIGUEZ	RAMA	ALBERTO	*** 8060 **	2,20	1,50	0,40	0,30	0,00

Os epígrafes de cada columna son:

- **PUNTOS** acadados en total
- **1.- PARO:** tempo transcorrido como desempregado/a, sempre que na actualidade sexa demandante de emprego, non en mellora de emprego: 0,25 puntos/mes completo durante un máximo de 1 ano inmediatamente anterior á convocatoria (**puntuación máxima 3 puntos**).
- **2.- FORMACIÓN:**
2.A ACTIVIDADES DE FORMACIÓN (cursos, seminarios e xornadas ou asimiladas):
 Valoración das actividades que foron recoñecidas como mérito para acceder ao permiso de marisqueo a pé e que figuran inscritas no catálogo de actividades formativas anexo á Resolución do 02.02.2023 da xefa territorial da consellería do Mar na Coruña pola que se convoca o proceso selectivo.

2.b TITULACIÓN ACADÉMICA: Graduado en ESO ou equivalente: 0,30 puntos; Bacharel ou equivalente: 0,50 puntos; Diplomado universitario ou equivalente: 0,70 puntos e Licenciado universitario ou equivalente: 1 punto. Ás persoas que posúan a titulación de técnico superior en produción acuícola ou técnico en Operacións de Cultivo Acuícola impartidas no IGAFA, engadiráselles 1 punto.

A suma de puntos do apartado de formación non superará os 3 puntos.

- **3.- PADRÓN:** Por estar empadroadado nun concello situado no ámbito territorial da entidade titular do plan de xestión un mínimo de 1 ano anterior á convocatoria. **4 puntos**

Xefatura Territorial da Coruña
 Rúa Ramón y Cajal, 2 5º andar (Casa do Mar)
 15006 A Coruña
 Tel.: 981 182 000
xfaturaterritorial.mar.coruna@xunta.gal



II.- BALDAIO.- RELACIÓN DE PERSOAS EXCLUÍDAS DO PROCEDEMENTO

1º APELIDO	2º APELIDO	NOME	D.N.I.	CAUSA DA EXCLUSIÓN
POSE	MARTINEZ	MARÍA LILIANA	* * * 2556 * *	Desestimento por renuncia

